

春秋通义

佚名

文硕阁

wenshuoge.com

目录

关于我们	3
提要	5
春秋通义	6

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案春秋通义一卷不着撰人名氏考宋史艺文志蹇遵品王哲家安国邱葵皆有春秋通义其书均佚不传蹇氏王氏书各十二卷家氏书二十四卷此本仅存一卷凡四十八条编端冠以小序称孔子之修春秋也因其旧文乘以新义正例笔之常事削之其有缪戾乖刺然后从而正之别彙之曰特笔而小序之后亦以特笔二字为标题盖此卷为通义中之一种但不知四家中为谁氏之书耳然如星陨如雨一条公羊引不修春秋曰陨星不及地尺而复君子修之曰星陨如雨此特润色旧文非闕褒贬以为特笔于义不伦至华督有无君之心而后动于恶故先书殇公后书孔父传有明文真特笔也而反不及之亦属挂漏至于谓春秋二百四十二年而终之以获麟明乱极必治而王者之迹卒不熄则其說高于诸家多矣乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

春秋通义

春秋者鲁史之所志也时不一世史不一官内事外事载诸方策而已非所谓微而显志而晦婉而成章尽而不污能寓褒贬乎其中如圣人之防者也逮孔子之修春秋也因其旧文乘以新义正例笔之常事削之其有缪戾乖刺然后从而正之于是乎王道明于上人纪振于下劝善惩恶一归于正顾鲁史不可得见而孔子所修之春秋仅采诸三传是孔子之春秋卒复不知为何等也然其防辞正义非圣人蔑能书之者固可即今文而得之不疑也别彙之曰特笔

隱公元年夏五月郑伯克段于鄢

杀之乎当曰郑伯杀其弟段奔乎当曰郑公子段自鄢出奔共此书郑伯书克不书弟段之恶着郑伯之恶着

五年秋九月考仲子之宫初献六羽

舞夏天子用八诸公六诸侯四鲁诸侯也宜用四而旧僭用八此始厉乐用六所谓僭诸公犹可言也僭天子不可言也故曰初献六羽是故过斥其细使可受也恶讳其隱使可盖也

桓公元年春三月郑伯以璧假许田

易其可不易其不可可也知其不可而犹欲易之故曰假假之云者饰辞焉尔实其饰辞以着其实失实得实也

二年夏四月取郕大鼎于宋戊申纳于大庙

曰取取非其道也曰纳纳非其礼也取污厥德纳蔑其祖污德蔑祖而犹且为之者将以昭稷之功也昭稷之功者乃所以蓋其罪也昭稷之功乃所以蓋其罪者何也以为宋之弑殇公为直已宋直则已直已书取书纳推见至隱者也

六年秋九月丁卯子同生

文姜四年至自齐六年子同生十有八年而后如齐与齐襄会是同为桓公之子审矣蓋世子之生鲁史例书仲尼削其余则子同生是严笔也微辞也与诗之展我甥兮意正同也公羊谓喜有正以病桓非也谷梁曰同乎人疑故志之深得之也

庄公元年春三月夫人孙于齐

文姜罪人也不宜称夫人而称夫人罪庄公之鸟兽性也知母而不知有父也宜曰姜氏而不称姜氏罪齐襄之禽兽行也同产而至是也然桓公以前年四月薨于齐及练而后文姜孙于

齐何也意者帷簿事密鲁人觉后觉而后奔及此时也左氏谓文姜出故庄不称即位谷梁谓练时始録母之变公羊谓念母以首事并以为桓公弑而文姜固在齐是经外意也孙书复不书何也母复可言也罪人复不忍言也故削之也何休曰庄公陈祭念母而迎之当书迎而反书孙以明不宜是又深求于外者也

七年夏四月辛卯夜恒星不见夜中星陨如雨

公羊传曰不修春秋曰雨星不及地尺而复君子修之曰星陨如雨是公羊之时犹及见鲁史也如旧文则星陨如雨者蓋星之流迸如雨下陨故公羊曰如雨者非雨也谷梁曰星陨如雨其陨也如雨唯左氏曰如雨与雨偕也雨及星乃为二事矣汉五行志孝成帝元延元年四月丁酉日晡时流星长十余丈东南去四面或大如盂或如鸡子燿燿如雨下至昏乃止是所谓星陨如雨者也

二十有九年冬十有二月纪叔姬卒

三十年秋八月癸亥葬纪叔姬

纪灭而鄫故在也书叔姬卒及葬恤纪所以罪齐也圣人之深也

三十有二年冬十月己未子般卒公子庆父如齐闵公元年秋八月季子来归

谷梁传曰庆父如齐奔也其曰如者讳莫如深深则隱苟有所见莫如深也是也然而不可通之于闵公也闵公之弑也书夫人姜氏孙于邾公子庆父出奔莒子般何所异而讳庆父之奔也既奔矣复不书何也二 谓齐仲孙来为庆父之复不可也鲁公子而系之齐无是书法也然则其如齐也非奔也实如齐也盖既弑子般内主姜氏外将援齐以为身谋而国人不顺复立闵公故蒞毒而归再为逆主惧丽大讨然后奔莒也季友来归书其出奔不书何也曰辟嫌也子般卒而季友出奔嫌故由季友也是故书庆父如齐其复固不书也书季子来归其出奔固自见也春秋义见于有义见于无是圣人之深也

闵公二年冬十有二月郑弃其师

二传以为恶高克恶高克举其师而逐之宜书曰郑高克以其师出奔陈不得曰郑弃其师也左氏以为师溃而归高克奔陈宜书曰郑高克出奔陈不得曰郑弃其师也夫师挫于外谓之败乱于内谓之溃此久而不召自我尸之恣其颺去故曰郑弃其师

僖公二年夏五月虞师晋师灭下阳

五年夏公及齐侯宋公陈侯卫侯郑伯许男曹伯防王世子于首止秋八月诸侯盟于首止

葵丘之盟有间事故重序诸侯此无间事而重序诸侯明王世子之不盟也霸者修霸圣人尊王固同揆也

冬晋人执虞公

灭邑不书书者系二国也虞无师而先虞虞志也假兵贼人还以自贼者虞之谓也虞公例书名不名而爵之何也犹曰非晋灭虞也虞公自就执于人也虽然诸侯专执罪也人晋人圣人之严笔也

十有九年冬梁亡

宜书曰秦灭梁秦灭梁则嫌归恶灭者而梁之自亡不着故书曰梁亡是圣人之严笔也谷梁传曰梁亡郑弃其师我无加损焉正名而已矣正谓仲尼得正名之实非鲁史所能书也

二十有四年冬天王出居于郑

悼敬之难也书王猛居于皇天王居于狄泉不书出者天王无出且未入也襄王倍亲即狄家人内携自绝天位用出成周故曰天王出居于郑王自出也又不与子带以出王也

二十有八年冬天王狩于河阳

践土之防也公朝于王所明天王与会也而不书狩温之会视践土而书狩鲁子曰温近而践土远非也舜以岁时巡四岳禹合诸侯于涂山践土郑地何远也盖践土之会天王自劳晋师未行狩礼故不书狩温之会晋虽召王而实行狩礼故书狩也然而召君匪训与全天王之行不与晋致天子义备乎其中矣

二十有九年夏六月会王人晋人宋人齐人陈人蔡人秦人盟于翟泉

襄王之世王子虎合七国大夫盟于翟泉周命犹行于天下也书曰盟于翟泉盟以信也盟以信者正天下贬而人之者王人下盟列国之大夫礼有僭也礼有僭者诬神听

三十有一年夏四月四卜郊不从乃免牲犹三望以诸侯而郊僭天子也前之乎书烝书尝矣书郊则自僖公始僖公始郊也僖公不郊于初而郊于终何也曰有所始之年也不于所始之年书始郊而此焉以 违书何也曰始郊僭也 违变也变可言也僭不可言也若因变以非礼讥而其义自见也故曰过摘其细使可受也恶讳其隐使可盖也圣人之微笔也

文公二年春二月丁丑作僖公主秋八月丁卯大事于大庙跻僖公

礼虞祭作主特用防礼别祀于寝三年终防乃得吉禘公二月作僖公主后乎葬缓八月跻僖

公于庙防未终渴渴缓失礼失礼无亲之著者也至若诸侯不以属通弟固可以先兄也彝伦有序臣不可以先君也跻僖公而上闵公是谓逆礼逆礼无天之大者也

三年夏五月王子虎卒

外大夫不卒卒王子虎者当防而陨为周恤也为周恤者为天下

四年夏逆妇姜于齐

出姜未庙见而成礼故不曰夫人直笔也逆者公逆也不书公曲笔也

十有七年夏六月诸侯会于扈

其曰诸侯会于扈诸侯为谁何不可知也前年冬宋弑昭公今年春晋卫陈郑会伐宋知会于扈为宋讨也讨宋而不列序诸侯何也失讨弑君之罪犹且立之罪在诸侯也夫会必以赴赴必有主名削而不序而曰诸侯会于扈以为国无其人人无其事会焉而已

十有八年冬十月子卒夫人姜氏归于齐

文公既葬书子从未成君之称讳其弑也然子卒不曰夫人姜氏归于齐其弑昭然着矣先是而公子遂如齐后是而公子遂如齐逆女知贼为遂而齐亦与闻乎其故也宣公继故书即位知宣公亦与闻乎其故也此旧文也即旧文以起新义期于不失其实而弑君之贼无所逃其罪而已矣

宣公元年春王正月公子遂如齐逆女三月遂以夫人妇姜至自齐

妇者有姑之辞方是时也出姜既归敬嬴在国出姜既归有姑而无姑矣敬嬴在国无姑而有姑矣而妇之云者前以伸出姜后以诘敬嬴示子不得出母妾不得擅尊圣人之严也

八年夏六月公子遂如齐至黄乃复辛巳有事于大庙仲遂卒于垂壬午犹绎万入去籥

遂出使未致命而复臣之专也大夫卒而犹绎君之失也并以非礼书也而有进乎此者遂弑君之贼疏之而不卒之者也不疏而卒之恶宣公也宣同恶唯宣而后卒遂也翬于隐去族于桓不去族义正同也然则其不卒翬何也曰去族以绝其亲不卒以重其诛恶已着也宣之与遂则未有贬也故即其非礼而书之因其细以着其大本诸显以钩其深春秋之严也

十有五年秋初税亩

初之云者周公旧章由此而废废则不可复复法政之大变也上不恤下浚以深求国瘠可知

已民佚无教不黽勉以奉上民罢可知己国瘠民罢公私胥困是谓无政无政必失国是故昭公寄舍定哀尸位宣之施也

成公二年冬十有一月公会楚公子婴齐于蜀丙申公及楚人秦人宋人陈人卫人郑人齐人曹人邾人薛人鄆人盟于蜀

楚岸然长诸侯主齐盟天下南北判春秋之大变也蜀之盟十国以大夫会成公独以诸侯会降尊敌下为楚之细鲁羞甚矣至若婴齐敌君而无贬大夫盟公而不讳者大丑不饰肤沈疾不问瘡

十有五年冬十有一月叔孙侨如会晋士燮齐高无咎宋华元卫孙林父郑公子防邾人会吴于钟离

会者诸侯之事也大夫会焉上侵也会者中国之事也蛮夷会焉内蚀也夷吴者非夷其人也黜其僭王而夷之也一会而二失春秋之再变也会而又会外吴也外吴者不使齐于中国也黄池之会且子吴焉春秋之终也

襄公十有一年春王正月作三军

作三军者左氏以为三家分公室公羊以为增司马为中卿谷梁以为诸侯一军作三军非正诸説虽殊要之三家为政也三家为政而旒纛襄公矣逾王制无王分公室陵上毁旧章不度不书公罪三家也

二十有七年夏叔孙豹会晋赵武楚屈建蔡公孙归生卫石恶陈孔奂郑良霄许人曹人于宋秋七月辛巳豹及诸侯之大夫盟于宋

晋失霸霸在楚然其势卒先中而后外也逮宋之盟而后南北势合中外敌均春秋之三变也夫幽之盟郑由是以树楚争宋及楚平宋由是以合楚成是故中国振争楚弱合楚逮夫假吴以争楚则中国安于不振而已矣是仲尼之所深伤者也

三十年夏五月天王杀其弟佖夫

民可杀也虐在不教兄弟天属亲于民矣教之育之俾不丽于罚孝之施也若其有罪议亲有典忠之尽也是故有罪而杀上有愐焉无罪而杀进乎忍矣书曰天王杀其弟佖夫弟之者明天王之忍也明佖夫之无罪也王不去天义不待夫去天也

昭公五年春王正月舍中军

作三军取徇乎三家也舍中军归重乎季氏也作之舍之举便乎三家也左传谓卑公室二

谓复正迹则复正也事则卑公室也是故作三军则公无政矣舍中军则公无民矣

九年夏四月陈灾

楚已灭陈降为楚县而曰陈灾若曰楚灭陈而陈故存也圣人之严笔也

二十有二年夏六月王室乱

惠王之立也五大夫奉子頹以伐王卫燕立子頹王处于栢三年而后郑虢纳王杀子頹襄王之立也子带召戎伐京师入王城又十年子带通狄后狄卒奉之以攻王王出居于郑明年而后晋纳王杀子带王室亦可谓乱矣子頹之乱也不书子带之乱也书而不详盖史阙也阙周事焉尔此书王室乱则有所寄也何也惠襄之世王室未烬有郑虢之亲齐晋之辅虽乱而未底于乱也悼敬之世王仅守府齐郑外携鲁防晋替内啄而外虹其乱乃极于乱也大痛溃腹医主其治世无其人疥癬为病矣书曰王室乱伤周之不王也伤天下之无王也

二十有三年秋七月天王居于狄泉尹氏立王子朝书天王居于狄泉者正尊位黜篡逆示天下以正也且罪诸侯也诸侯若无闻也书尹氏立王子朝者示非天下所立非周所立一人所立也且罪尹氏也为周世卿不辅以正纵庶夺嫡逆奸天位怙乱以终也

二十有六年冬十月天王入于成周尹氏召伯毛伯以王子朝奔楚

不书出未入也书入始入也示天位始定也子朝独奔楚楚匿藏也楚敢纳之隱若两王也

二十有九年冬十月郕溃

齐取郕公尝居郕是齐为公取也是郕为公之寄国也郕溃者非郕叛公也公虽不度失国未必邑叛公人叛公也盖季氏畏公偪离遏其内而陰溃之也由是而郕创于鲁貳于齐故十年而有围郕之师也书曰郕溃者罪三家也圣人之曲笔也

三十有二年夏吳伐越

楚病中国吳病楚越病吳递自病也吳越作而春秋终矣

定公四年春三月公防刘子晋侯宋公蔡侯卫侯陈子郑伯许男曹伯莒子邾子顿子胡子滕子薛伯 伯小邾子齐国夏于召陵侵楚夏五月公及诸侯盟于臯鼬悼敬之世天下无王矣诸侯无霸矣刘子合十八国之师于召陵以侵楚周命再行于天下视翟泉之盟为尤难也然楚纳子朝蹈掩贼之罪不伐钟防以问之书曰侵楚盖以偏师行正而不大君子惜之臯鼬无贬辞者刘子不盟诸侯而王子虎下盟大夫轻重差矣

秋七月刘卷卒葬刘文公

外大夫不卒于刘卷卒之葬之者当防而陨为周恤也为周恤者为天下由是知尹氏之非周大夫也必如二大夫而后卒之也

八年冬从祀先公

从祀先公复正也其所以复正者何也家臣专也家臣专而从祀先公者何也柄臣专国必先顺其不顺者以顺人心且以此卜也从祀而顺焉事无不可为也

盗窃寶玉大弓

器亡于今日政亡于畴昔器庸可亡也政不可七也阳虎窃政者也盗之者君子宁以器假人不以名假人

九年夏四月得宝玉大弓

器可复也政不可复也君子蓋深伤之也

十有二年夏叔孙州仇帅师堕郕季孙斯仲孙何忌帅师堕费冬十有二月公围成公至自围成

三家专鲁陪臣专三家三家怨于陪臣之强故自堕其邑以弱之也于成书公者揭公以正三家不使尸之于下也未出国而书至者告庙饮至正师出之名也此仲尼为政而有不顺焉何也司寇初政也

哀公十有二年春用田赋

郊天子之事也而鲁用之罪僖公也田赋夏制也而鲁用之罪三家也昭定以降数变旧章非公也是年冬螽明年秋螽冬再螽应浚民深也

十有四年春西狩获麟

当周之敬王鲁之哀公而孔子生孔子之生不时也当周之敬王鲁之哀公而麟至麟之至不时也然当周之敬王鲁之哀公而孔子不生则人纪絕人纪絕则乾坤或防乎息矣然则孔子之生时也麟之至应孔子麟之至时也春秋二百四十二年而终之以获麟明乱极必治而王者之迹卒不熄也

春秋通义